

武  
林  
金  
石  
記

武林金石記第八卷

錢塘 丁 敬 敬身

北山磨崖

李公謹等題名

李公謹唐卿楊洎損之慶曆六年七月十二日  
來

右磨崖縱一尺五寸橫一尺二寸正書四行  
字徑二寸五分

李谷題名

治平甲辰五月七日趙郡李谷容之從男侑奉

命謹題

右磨崖縱一尺六寸橫八寸正書三行字徑一寸六分

蘇子容等題名

子容濟翁□聖潛夫潛叔元卿平叔守道熙甯  
丙辰八月癸巳自淨慈南□下天竺過靈鷲遂  
游靈隱而歸

右磨崖縱四尺橫五寸正書二行字徑一寸

五分

□公□等題名

□公□□卿揚□□之慶歷六年七月十二日  
來

右磨崖縱一尺五寸橫一尺一寸正書四行  
字徑二寸五分

蘇子容再題名

蘇子容李端臣蘇浩然彭知權蘇□之曹潛夫  
熙甯□□六月初九日游

右磨崖縱一尺五寸橫一尺二寸正書五行  
字徑二寸

朱裳題名

朱裳

西湖志云朱裳沙河人嘉靖中為嶺江布政使是七修類稿

右磨崖縱二尺六寸橫一尺三寸正書字徑

一尺一寸

搏雲二大字

搏雲 華亭孫克弘書

右磨崖縱二尺三寸橫一尺一寸篆書字徑  
八寸款字正書徑一寸五分

元國書碑

元國書字不可識至□□□年八月□日建功德

主石僧沙里兼贊

右磨崖縱二尺六寸橫二尺二寸蒙古字十  
六行每行七字

元鑿佛贊

大元國杭州佛國山佛像贊

永福楊總統江淮馳重望於靈鷲山中向飛來  
峰上鑿破蒼崖石現出黃金像佛名無量壽佛  
身含萬象無量亦無邊一切人瞻仰樹此功德  
幢無能爲比況入此大施門幸有大丞相省府  
衆名官相繼來稱賞自一佛二佛□起模畫樣  
花木四時春可以作供養猿鳥四時啼可以作

回向日月無盡燈烟雲無盡藏華雨而紛紛因  
風而蕩蕩願祝聖明君與佛壽無量爲法界衆  
生盡除煩惱障我作如是說此語卽非妄

至元二十六年重陽日住靈隱虎巖淨伏謹述  
大都海雲易菴子安書丹 武林錢永昌刊

右磨崖縱四尺橫三尺正書字徑一寸六分  
湧幢小品揚璉真伽等三髻圖諸佛像以己像  
雜之刻於飛來峰石崖之內嘉靖二十二年十  
二月杭州知府陳仕賢擊下三髻像梟之三日  
棄於園田汝成爲記其事以故今人相傳諸石

佛皆指爲楊璉真伽所鑿今觀諸石刻及周伯琦文皆有諸人姓名應是舊時有像楊璉真伽亦嘗刻之而雜己像於中也

曝書亭集飛來峰石上下多鐫佛像相傳謂是元僧楊璉真伽所鑿蓋本於夏時正府志非也象教自漢明帝時流入中國終漢之世凡宇內墓門石闕刻鏤先聖賢未有鐫及佛像者至晉始有之潛說友撰臨安志在宋咸淳年此時楊璉真伽未至江浙行省志中載寺有梁簡文帝石像記又據陸羽靈隱寺記稱理公岩慧理偃



息其下後有僧於岩上週迴鑄小羅漢佛菩薩  
像然則飛來峰石佛唐以前已有之審視厥狀  
戍削奇古望而知爲六代遺蹟今烟霞洞羅漢  
六石屋羅漢一百一十六要非吳越以後工人

所鑿世俗流傳之謬由未見咸瀆志爾

傳按馮  
葛積日

記送梵僧二歸法卷乃於飛來峰指示諸梵相  
梵僧云僧所尊奉者爲救度佛母此中具二十  
一尊首徵邪者是也  
震旦惟飛來有此相

又飛來峰鑿佛題名六通

靈隱禪寺伏承大功德主開府儀同三司上柱  
國江浙等處行中書省左丞相□□□答失蠻

布施金□□□重裝佛國山諸佛菩薩聖像所  
集洪因端爲祝延皇帝萬歲萬歲萬萬歲皇太  
后皇后齊年皇太子千秋仍祈風調雨順國泰  
民安者

至大三年九月 日住持僧正傳謹題

右磨崖縱二尺橫二尺八寸正書十二行字  
徑一寸六分

大元國□□□榮祿大夫行宣政院使□□夫  
人□氏謹發誠心□捨淨財命工鑄造金剛手  
菩薩聖像一尊端爲祝延聖壽萬安保佑院使

大人福祿增榮壽命延遠家眷安和子孫昌齡  
至元二十九年閏六月 日建

右磨崖縱一尺八寸橫一尺正書字徑八分  
昭口大將軍前淮安萬戶府管軍萬戶楊思諒  
全妻朱氏發心施財命工鑄造阿彌陀佛觀音  
大士至聖像三尊祝延皇帝聖壽萬萬歲者

至元二十□年□□丙午日吉辰建

右磨崖縱二尺六寸橫一尺二寸正書五行  
字徑一寸五分

大元國功德主徐僧錄等命捨淨財鑄造毗盧

遮那佛文殊師利菩薩普賢菩薩三尊端爲祝  
延皇帝萬安四恩三有齊登覺岸者

至元二十九年八月八日 宣授杭州路僧錄

徐□□潭州路僧錄李□

右磨崖縱一尺八寸橫二尺八寸正書十一  
行字徑三寸

大元國大功德主資政大夫行宣政院使楊□  
謹發誠心□捨淨財命工鑄造多聞天王聖像  
一尊端爲祝延皇帝萬歲國泰民安法輪常轉  
四恩總報三有遍資法界衆生齊成佛道者

至正壬辰二十九年七月仲秋吉日建

右磨崖縱二尺橫一尺八寸正書七行字徑  
一寸六分

總統所董□祥特發誠心施財命工刊造觀音  
聖像上答洪恩以祈福祿增崇壽年綿遠者

大元戊子三月吉日題

右磨崖縱一尺六寸橫一尺二寸正書五行  
字徑一寸五分

射旭洞鑿佛題名

□清弟子陸慶并妻李氏一孃造觀音菩薩一

尊

乾興二年四月日記

右磨崖縱一尺二寸橫五寸正書三行字徑  
一寸

龍泓洞鑿佛題名

□山清信弟子滕□□敬捨淨財於石室鑄造  
彌陀□尊觀音勢至伏□身恐有多劫冤懃今  
生故悞伏願□不□之勝因滌累劫

右磨崖縱八寸橫七寸二分小楷八行字徑  
五分

青林洞鑿佛題名

弟子胡承德伏爲四恩三有命石工鐫盧舍那  
佛會一十七身所期來往觀瞻同生淨土時

大宋乾興□□四月日記

右磨崖縱二尺八寸橫六寸正書三行字徑  
一寸五分

周伯琦理公巖鑿佛記

理公巖晉高僧慧理師嘗燕宋焉在錢塘虎林

山天然招提

之東玲瓏幽邃竹樹岑蔚至正九

年上人慧苴來居觀堂起廢緝敝爰開是巖窮

宛繞複霏如堂皇雲湧雪積發深靈蓋後七年

左丞綏甯楊公之弟元帥伯顏清暇游惕扶奇  
樂靜捐金庀工載鑿巖石刻十佛及補陀大士  
像金碧炳赫恍躋西土冀邀福惠壽我重親利

我軍旅米釋氛沴永奠方岳若之異勝誕增於  
昔為虎林奇觀實昔公軌行精懇有以致之居

毗號曰菩薩蓋非夸益

天竺和尚九若師臘日

八十與昔同志徵文未久乃篆

諸石浙省參知

政事番陽周伯琦伯溫記并書

丁魯齋曰此記二百十一字倪

從湖志鈔出者缺七十字今以汪從龍本鈔  
出者補之又補落字一錯者四字皆為改正錫

武林金石記卷八

入西冷印社取米珍版



曾按原本空處魯齋先生以硃筆補之所謂汪  
本也此葉字旁點朱之處皆丁膳汪本原本硃  
筆者原硃字今以小字右注別之原  
本紅點字今以小字左注別之吳隱記

右磨崖縱五尺八寸橫四尺四寸篆書十三  
行字徑四寸

理公巖三大字

理公岳

楊遵書

字徑一  
寸六分

右磨崖縱一尺橫三尺六寸篆書字徑一尺  
平列

龍泓洞三大字

龍泓洞

字大七寸  
今日變淺

右磨崖縱三尺橫一尺八寸右有金華王庭  
書五字徑一寸五分其右又有元江維釋教  
都總所經歷郭□書字徑二寸

烏重儒題名

泉州刺史烏重儒寶曆二年六月十八日赴任  
過游此寺

右磨崖縱一尺三寸橫八寸正書三行字徑  
二寸

孫覺等題名

孫覺張徽戊申十一月晦同來

右磨崖縱七寸

蘇頌等題名

蘇頌子容蔣之奇頴叔岑象求巖起李祀堅甫

熙甯壬子二月二日

右磨崖縱一尺三寸橫二寸正書二行徑一  
寸年月夾行每字可六分案宋史頌字子容  
泉州南安人神宗朝吳越饑選知杭州

高荷題名

子勉游

行書字  
徑五寸

吳隱校兩浙金石志題名下  
有熙甯丁巳下元日題八字

右磨崖縱一尺五寸橫八寸

李琮等題名

李琮朱明之楊景略黃頌胡援林希元豐二年

五月四日游靈鷲洞

年月字徑一寸五分

右磨崖縱八寸橫三尺正書六行字徑三寸

文右行

楊景略等題名

楊景略胡宗師范岫黃頌彭汝礪王祖道林希

元豐己未七月十三日游靈隱洞

右磨崖縱二尺橫四尺六寸正書九行字徑

四寸五分

胡宗師等題名

胡宗師蔡舉用同游元豐二年七月十七日

右磨崖縱九寸

陸德輿等題名

陸德輿載之趙與磨致道與嘗中甫澹祐戊申

中伏後一日避暑同來

右磨崖縱九寸橫一尺三寸正書六行字徑

一寸八分

潛說友題名

潛說友君高父 咸淳乙丑閏月

右磨崖

賈似道題名

在龍洞

咸淳丁卯十月十八日賈似道以歲事禱上竺  
回憩於此客東元嘉俞昕張需黃公紹王庭從  
子德生侍期而不至者廖瑩中

右磨崖縱四尺二寸橫三尺八寸正書六行  
字徑六寸

亢氏也先帖木題名

在龍洞

皇元至正庚寅春吉日副崇教亢氏也先帖木  
右磨崖縱一尺四寸橫八寸正書三行字徑

二寸

郝璿等題名

在青林洞

太平興國二年戊寅十二月二日郝璿與知府  
正郎范轉運使副劉杜巡檢太保翟戶部判官  
杜通理孟同至此

右磨崖縱一尺二寸橫一尺五寸正書八行  
字徑一寸五分

查仲道等題名

在青林洞

江右查仲道錢塘周世科西蜀曹山□□□庭

訓

右磨崖縱二尺二寸橫二尺正書四行字徑

四寸五分

查應辰等續題

在青林洞

後百有四年兵部查公曾孫朝散大夫提舉兩浙常平等事應辰察推周公曾孫承議郎通判越州軍事種復同游此洞敬觀遺刻實崇甯改元歲次壬午□月二十有八日也

右磨崖縱一尺三寸橫九寸正書六行字徑一寸

錢德範等題名



臨安錢德範莆陽僧貽孫皇祐二年六月一日  
右磨崖縱八寸橫一尺六寸正書七行字徑  
一寸五分右行

沈遼等題名

癸卯重午偕王伯虎來弟邀道偕行沈遼題

右磨崖縱八寸橫六寸正書四行字徑一寸  
二分

沈立等題名

立之中行伯敷子雍子明熙甯辛亥九月廿三

日同游

右磨崖縱一尺六寸橫九寸五分正書三行  
字徑二寸

晁端彥題名

晁美叔熙寧八年七月八日題

右磨崖縱一尺一寸橫一尺三寸正書四行  
字徑三寸右行

趙善郊等題名

浚儀趙善郊國安謝夫子美必愿立夫成紀李  
劉公甫宛陵奚祝和甫開封向士逢吉甫古括  
朱方叔君猷嘉定十有五年末伏日避暑來游

正和合不言元  
三山陰吳氏遺金石錄

右磨崖縱一尺三寸橫九寸五分分書五行  
字徑一寸

石景衡等題名

石景衡叔平杜僕升陽同游

右磨崖縱七寸八分橫二寸四分正書字徑  
一寸

道宗等題名

道宗用梅行甫己未三月三日游

右磨崖縱二尺三寸橫四寸正書一行字徑  
一寸五分

連道善等題名

連道善鵬舉張文蔚同游建炎三年閏八月二十五日

右磨崖縱二尺一寸橫二尺二寸正書五行字徑四寸

盧元輔游天竺詩

水田十里學袈裟秋殿千金儼釋迦遠客偏求月桂子老人不記石蓮花武林山價懸隋日天竺經文隸漢家苔壁蝸皇鍊來處洞中待我掃

雲霞

咸淳臨安志盧元輔自河南縣令除杭州刺史於武林山作見山亭其所撰胥山祠

銘文采煥發至  
今猶傳誦之

右磨崖縱二尺橫二尺二寸正書九行字徑

二寸

張奎等題名

太常寺太祝張奎拱微太常寺太祝張覲經臣  
進士□文安□□康定辛巳□夏十日同游謹

記

右磨崖縱二尺橫一尺八寸正書五行字徑

二寸

王競等題名

王競皇甫彥李聞王慎修俞俟同游宣和四年  
三月十一日

右磨崖縱一尺八寸橫一尺三寸正書四行  
字徑三寸右行

沈遼等題名

睿達善述素道與炳之來癸卯重午

右磨崖縱一尺六寸橫七寸正書二行字徑  
二寸

韓世忠題名

紹興十二年清涼居士韓世忠因過靈隱登覽

形勝得舊基建新亭榜名翠微以爲游息之地  
待好事者三月 日立男彥直書

右磨崖西湖志云舊在靈隱山翠微亭見靈

隱寺舊志

今未見  
拓本

冷球等開天竺路題名

天福四年己亥歲五月二十五日開此路上山  
作基址監造觀音殿宇都勾當興福中直都隊  
將冷球都軍頭李安記

右磨崖縱一尺三寸橫八寸正書六行字徑

一寸

源少良等題名

監察御史源少良陝縣尉陽陵此邦太守張守信天寶六載正月廿三日同游

右磨崖縱一尺二寸橫八寸正書五行字徑一寸

王澹等題名

節度判官侍御史內供奉賜緋魚袋王澹前右驍衛兵曹參軍崔珙永貞元年冬季

右磨崖縱一尺三寸橫二尺正書六行字徑二寸文右行



蕭悅等題名

前太常寺奉禮郎蕭悅前太常寺奉禮郎

下泐

右磨崖縱一尺二寸橫一尺三寸正書四行  
字徑二寸

路公弼等題名

路公弼翁端朝傅國華容吉考麥公明孟子與

徐明叔宣和五年夏四月乙亥同來

右磨崖縱八尺四寸橫四尺篆書四行行八  
字字徑一尺

吳棫等題名

吳棫張□彥□□□龍庭實周執□吳□信周  
之翰凌哲吳□潘良能陳□史袁相石延慶錢  
□□□陳之淵范雲程敦厚周□許□微□□  
紹興壬戌同校藝春關

右磨崖縱一尺八寸橫二尺正書八行字徑  
二寸

三生石三大字

三生石

右磨崖縱九寸橫二尺二寸篆書字徑三寸  
三生石在寺後唐時有李源者京洛人父澄死

安祿山之難源悲憤不仕不娶居惠林寺者三  
十年與僧圓澤友善相約游蜀中蛾眉山源欲  
自荊州泝峽澤欲取長安斜谷路源不可曰吾  
已絕口事豈可復道京師哉澤默然久之曰行  
止固不由人遂自荊州路舟次南浦見婦人錦  
襜負瓮而汲圓澤曰此吾託身之所也源驚問  
之澤曰婦人姓王氏吾當爲之子孕三歲矣吾  
不來故不得乳今既見無可逃者公當以符咒  
助我速生三日浴兒時公當視我以笑爲信後  
十三年中秋月夜當與公相見於杭州天竺寺

源悲憤爲具沐浴易服至暮澤亡而婦乳三日  
往視之兒見源果笑源遂不果入蜀反居惠林  
後十三年自洛適杭州赴其約聞葛洪川畔有  
牧童菱角騎牛歌竹枝隔水呼源覲之乃圓澤  
也歌曰三生石上舊精魂賞月臨風不要論慚  
愧情人遠相訪此生雖異性常存源問澤公健  
否答曰李公真信士俗緣未盡慎勿相近願勤  
修之又歌曰身前身後事茫茫欲話因緣恐斷  
腸吳越山川尋已遍却回煙棹上瞿塘遂拂袖  
入烟霞而去

事見甘澤謠文字甚繁不能備載  
今依西湖游覽志節本錄出以存

大

趙箕翁等題名

至正六年九月庚寅聞喜趙箕翁夏縣樊益吉  
安邑介好仁因尋三生石同登

右磨崖縱一尺六寸橫二尺二寸正書七行  
字徑三寸文右行

吳璞等題名二刻

金陵吳璞吳琳眉山袁焱焱宛陵季雲龍

右磨崖縱一尺九寸橫二尺正書四行字徑  
四寸

淳祐壬子春仲之九日吳璞吳琳重來偕行薛  
可久

右磨崖縱二尺橫二尺八寸正書五行字徑  
五寸

閣二定住題名

皇元至正十年仲冬中書省斷事官閣二定住  
甥正司丞董古魯譯史納速刺同游

右磨崖縱一尺一寸橫一尺五寸正書六行  
字徑一寸六分

周伯琦題名

至正戊戌二月廿三日浙省參知政事鄱陽周  
伯琦伯溫將鎮中吳專別允若教師重游香林  
洞題名厓石以紀歲月是日就謁觀堂菩薩慧  
炬篆理公新岳記靈鷲主者友人來會從游男  
宗仁宗智

右摩崖縱二尺二寸橫二尺六寸隸書九行  
字徑二寸

李良等題名

淳祐丁未立秋二日天台李良夏紹基武夷翁  
孟寅金華何子舉嘉禾葉隆禮宛陵吳琪來游

喜雨

右磨崖縱一尺三寸橫二尺六寸正書十行  
字徑二寸四分

楊瑀等題名

至正六年秋九月朔太史楊瑀翰林張翥謁復  
初上人同登蓮花峰留名崖石從游者施維才  
鄭韶

右磨崖縱一尺八寸橫二尺正書七行字徑  
二寸

曹潛夫等題名



潛夫同德卿仲文懿老聖咨游

右磨崖縱六尺四寸橫九寸正書字徑五寸

王達等題名

泰定五年春二月吳郡王達莫維賢葉森陸友

同游

右磨崖縱一尺六寸橫一尺五寸隸書五行

字徑三寸

賈似道題名

賈似道比以歲事禱靈隱迄幸有年飯僧已因  
過此山吳子聰東元嘉邱復亨俞昕廖瑩中張

孺黃公紹王庭從焉子德生諸孫蕃世侍僧法  
照德甯時舉妙甯俱咸淳三年歲丁卯十月望  
右磨崖縱三尺橫四尺隸書九行字徑四寸

款賓臺三字

在天

款賓臺

右磨崖縱二尺六寸橫九寸正書字徑八寸

臥雲二大字

臥雲

右磨崖縱二尺二寸橫二尺八寸正書字徑

一尺

歲寒巖三大字

在孤山

歲寒巖篆書

右磨崖字已漫漶

西湖游覽志云在俞公祠後石壁陡絕隱見篆書歲寒巖三大字兩湖塵談云孤山歲寒厓其石壁有字刻嘗摩蘇讀之云郭令公歷中書二十四考廣成子住崆峒萬八千年

施儒等游湖倡和詩

在大石佛院右壁

山頭嘯長風湖心泛晴月此意吾自知莫向游人說吳興施儒

正書

高眠南屏雲脫情西湖月

奇蹤抗俗眸大嘯憑人說吳郡顧元慶

八分清書

清湖中水皎皎山頭月西向與東流千古無異  
說嘉靖三年□□董樵和

寶石山磨崖三刻

節用愛人視民如傷

右磨崖正書字徑二尺無題款黃周星竹枝  
詞注云相傳爲賈似道書

壽星

右磨崖正書字徑□尺

以下二刻  
在山上

赤霞

右磨崖孫克弘八分書字徑二尺

磨崖補遺

才翁題名

以下十一刻俱見趙氏小山堂墨本而未詳所在

才翁題名洞中

右磨崖縱一尺橫七寸正書二行字徑三寸

趙伯衛題名

趙伯衛牧□游 □興己卯□月十七日

右磨崖縱一尺二寸橫六寸字徑一寸五分

正書年月字徑一寸

祖無擇等題名

祖無澤沈振元居中□光熙甯乙酉孟秋晦日  
偕游

右磨崖縱三尺五寸橫三尺八寸篆書五行  
字徑七寸

祖無擇字擇之上蔡人成化杭州府志無擇以  
治平四年以諫議大夫加龍圖閣學士知杭州  
嘗作介亭於鳳皇山

朱文公題名

紹熙甲寅閏十月癸未朱仲晦南歸重游鄭君  
次山園亭周覽巖壑之勝徘徊久之林齊之余

方叔朱耀卿吳宣之趙□父王伯紀陳秀彥李  
良仲喻可中同來

右磨崖縱一尺一寸橫三尺九寸行書十六  
行每行四字末行二字字徑二寸文右行

梁安世等題名

梁安世次張鄭□次山來溘熙癸卯□月初四  
日

右磨崖縱八寸三分橫八寸五分正書五行  
字徑一寸五分

游茂先題名

建安游茂先行按浙東晚宿慈嚴元符二年八月二十六日

右磨崖縱一尺三寸橫一尺八寸行書四行  
字徑二寸文右行前有蘇軾子瞻四字字徑  
二寸左有男林侍行四字與此文似不相屬  
周之祥等題名

元祐癸酉八月二十一日周之祥履中何志同  
彥時黃策子虛來游

右磨崖縱一尺六寸橫一尺三寸正書四行  
字徑一寸四分



尚綱題名

尚綱 中裳

右磨崖縱一尺六寸橫三尺正書二行平列  
字徑九寸左有二月十五日五字右有辛卯  
題三字

靈洞二大字

靈洞

右磨崖縱七尺橫二尺六寸隸書廣二尺長  
三尺

青虛洞天四大字

青虛洞天

右磨崖縱三尺三寸橫九寸篆書字徑九寸

開襟二大字

開襟。

右磨崖縱二尺橫一尺二寸字徑九寸

楊繪等題名

以下六刻俱見西湖志而未見拓本

熙甯七年楊繪魯有開陳舜俞蘇軾

西湖志云在靈鷲寺

趙抃題名

元豐二年己未二月十二日資政殿大學士太

子少師南陽郡公趙抃閱道謁韜光菴佑光

西湖志云在韜光見石蹟記

蘇軾等題名

蘇軾張璠楊傑王瑜元祐五年二月二日同游

韜光

西湖志云在韜光見咸淳臨安志

虞用晦題名

虞用晦元豐二年七月二十二日

西湖志云在靈隱山石街見靈隱寺舊志

陳古題名

陳古平甫同德甫游

西湖志云在靈山塔側見靈隱寺舊志

蘇軾等題名

楊繪元素魯有開元翰陳舜俞令舉蘇軾子瞻  
同游熙甯九年九月二十日

西湖志云舊在下天竺見咸淳臨安志

武林金石記卷八終

武林金石記第九卷

錢塘 丁敬 敬身

己上原鈔缺一葉

勅字大幾四寸第二層

隆興二年十二月

蓋以尚書省牒此一行字徑印方二寸五分

同簽書樞密院兼權叅知政事虞 押

簽書樞密院事兼權叅知政事錢 押

少保尚書左僕射同中書門下平章事

免押

此三行字大而扁闊可三寸 右第二層

劉付開化寺

開化寺六和塔住持講唯識因明等論僧智曇

狀伏都臨安府開化寺六和塔開寶四年請三

字剏建斯塔以鎮江潮後因紹興二十二年十

月內奉 聖旨塔廟令禮部看詳興工令臨安

府轉運司同其措置至紹興二十六年內蒙臨

安府委官勸請給帖付智曇住持脩建當時不

願申請官中錢物並是智曇用自己衣鉢教化

錢物建置今來寶塔垂成在卽委是江潮平善

舟楫無虞欲望特與本寺蠲免借科敷及指占

安泊伏候 指揮七月二十六日奉 聖旨特

依

小字如前

右劄付開化寺

以下二行俱字徑一寸

乾道元年七月

上鈐尚書省印方二寸

日

又劄付智曇

月輪山六和塔

至伏候

指揮

云云俱同前閏尚書省牒

十一月二十八日奉

聖旨依所乞

右劄付僧智曇

隆興二年十二月

日

字形印文俱與上同

右第三層

軍府准尚書省劄子開化寺六和塔住持

至伏

候

指揮

云云語同開化寺

七月二十六日奉

聖旨



正木名... 一山陞吳氏選金...

特依右劄付臨安府者右除已帖錢塘仁和縣

僧司仰遵依已降 聖旨指揮施行外今帖開

化寺六和塔仰照會乾道元年八月初三日帖

字形如前月下 使 未行署一使字 右第四層

鈴一臨安府印 右碑高七尺廣三尺四寸分四層

吳尺鳧跋云宋制尚書省牒皆橫口牒用大字

行書本事用小字真書銜徑一條大字粗細文

此碑橫分四段皆依省式惟加題額中間二三

兩題皆先左後右隆興二年之明年為乾道改

元也宰輔表中書平章為宰相樞密使權任

惟均謂之兩府皆謂之執政如此則中書門下  
平章事爲宰相應先於兩樞密矣按錢爲端禮  
虞爲允文年表隆興二年十一月辛丑端禮除  
端明殿學士簽書樞密院事明日壬寅允文除  
端明殿學士同簽書樞密院事十二月辛卯端  
禮除參知政事同日允文除同知樞密院事至  
明年乾道元年三月庚申允文始除參知政事  
據此則隆興牒上允文不得書參知政事或因  
乾道後牒而僧家之刻有誤與又左一行有官  
闕姓考本紀隆興二年十一月戊戌以陳康伯

爲尚書僕射同中書門下平章事本傳康伯復相卽其家除拜輿疾就道至闕以疾免朝謁是因康伯不至中書故其下有免押字也首輔不書姓特例也咸淳臨安志稱賜額慈恩開化教寺慈恩字省中略去又云開寶三年吳越王就南果園建寺造六和塔以鎮江潮方臘燬紹興二十二年北僧智曇重造十年始成今牒稱紹興二十六年始工至隆興二年凡九年塔廟皆成於是住僧等論智曇功狀故有是牒而明年住僧復請蠲免又有後劄并府帖時府尹爲薛

良明其文中剷去最始建塔之名是誤書智曇  
而去之者余從曹勛松隱集搜得六和塔記稱  
吳越時智覺禪師延壽同僧統贊甯創建今攷  
闕名必居其一靈隱舊志延壽字冲玄賜號智  
覺後遷永明道場撰宗鏡錄侍者贊甯錢王署  
爲兩浙僧統歸朝復賜號通慧撰高僧傳內與  
外學等集余從數百年下得補其闕而此寺自  
吳越名壽甯院塔又名六合皆足備異聞也

虎跑寺碑

大慈山定慧禪寺記

篆額二行居  
中字徑二寸

前半闕十行

皇元南征宿兵其興也屋宇山田抗大叢林其廢也惟一殿二塔歸然山田淪爲民業時有僧克符者不忍寺廢守門菴待其復舊嘉定間史衛王當國請命於朝移額四明建道場付祖山不問至元來殘毀榛蕪益甚有蜀僧回實山者入山起廢畚瓦礫得斷像草間完飾而祠之儼然祖師振衣定起之相識者曰寺當興時楊總攝統教江淮欲觀泉靈異大作佛事僧日誦經咒泉竟不沸揚意沮而寺如故大德庚子雙溪

胡鹽使有感回公時節因緣之一言一新門廡  
殿堂僧室廚庖又買田九十畝贍衆六傳至成  
止巖改中門嚮東偏攻石壁路翼亭半山揭古  
禪林復樹屋五楹奉普陀大士其中集學徒朔  
望陞堂講辨有高麗耆宿修慵菴者隨喜讚歎  
與征東萬戶張瑄同捨一大藏經閣之堂序由  
是定慧之爲定慧土田雖未復於初創規制大  
有加於中興或曰席美蔭可安禪缺土腴難容  
衆余曰有田固樂無田亦何憂之有今西湖之  
上非有賜田百頃而易產民間又安得不征之

壤供此鼓鐘萬指之費哉使僧飯於堂而主僧  
輟食以從租庸調之役是以養之者害之也故  
以田爲常住不若以身爲常住方寰中之初至  
也無寺而有寺其欲捨而他之也無泉而有泉  
寺可爲也泉不可爲也今言南北山諸泉惟虎  
跑稱異然史丞相欲替是寺而泉不可改揚總  
攝欲隆是寺而泉不復湧一隆一替有非權勢  
大人所得預及實山歲經月營止嚴銖誘寸化  
則寺復其舊泉沸如初豈非二老辛勤願力有  
以周旋乎時節因緣之間天道佛法有所不能

違歟嗚呼佛以心爲田故木食澗飲而安以福  
爲田故給孤除鱸而樂今止巖托鉢入塵善檀  
信越捨所常捨無不滿意往往一麻一麥之積  
足以成千困萬廩之事業使後之來者真踐實  
履人人止巖無田有田也使不計罪福析律破  
戒見笑緇素有田無田也故曰梵剎之興隆不  
係田之多少而係其人之行解言未既止巖從  
座而起曰如是如是請爲記至治三年十月甲  
申日記 耆舊覺了正微妙德守志 頭首慈

仙覺圓善隆守儀 知事法德定燈寂照宗照



住山佛心慈濟大禪師止巖普戒立石

右碑高三尺七寸楷書前缺十行僅存十六  
行每行四十二字字徑六分書撰名氏俱闕

唐杭州大慈山中禪師事跡

師名寰中姓盧氏蒲坂人也生有異相其聲如  
雷出家於并州童子寺受心印於百丈禪師結  
茅於南嶽一日南泉至問如何是菴中主師曰  
蒼天蒼天泉云蒼天且止如何是菴中主師云  
會即使會莫怱怱泉拂袖而出趙州問般若以  
何爲體師云般若以何爲體趙州大笑而出師

明日閱趙州掃地問般若以何爲體趙州置帚  
撫掌大笑師便歸方丈師後住浙江大慈山上  
堂示衆云山僧不解答語只能識病又云說得  
一丈不如行取一尺說得一尺不如行取一寸  
時問道者衆素缺水師擬飛錫夜夢神人告之  
曰勿他之詰朝見二虎以爪跑於地泉自湧出  
味甘如飴有僧自南嶽至乃曰童子泉涸矣故  
東坡有詩嘗刻於石咸通三年二月十五日無  
疾而終壽八十二臘五十四僖宗諡性空大師  
定慧之塔

御讚曰履踐真實心悟無際南泉趙州傲揚酬  
對居乏寒泉虎跑以濟維德斯彰風清日麗

右碑

上層楷書十行每行  
二十字字徑五分

大明永樂統志載寺在西湖之南山始於唐元  
和十四年寰中禪師卓錫結菴於此相從問道  
者衆乏水以給感二虎跑山泉源湧沸故稱虎  
跑泉憲宗賜額爲廣福院宣宗大中八年改額  
大慈禪寺僖宗乾符年間勅加定慧二字殿宇  
崇盛宋高宗南渡經鬱攸之變遂爲瓦礫之墟  
寶佑初僧至惠結屋以居宋末兵燬元初僧克

符重建草菴於故基至元年間僧回實山棲禪  
於此於瓦礫中得寰中禪師石像嚴飾崇奉咸  
以爲中興之兆大德年間胡鹽使入山瞻禮回  
與語欵洽遂爲檀施一新棟宇 國朝洪武十  
年住持靜戒念基宇窄隘重加展拓殿堂廊閣  
靡不宏敞時寺僧善求栽松數萬本於寺路旁  
南接進龍橋北抵赤山埠往來者一徑入雲奇  
峰疊嶽攢青拱翠塵俗閤絕誠禪林之勝處也  
二十四年立成叢林板籍名爲虎跑禪寺咸寤  
臨安志稱爲法雲祖塔院其餘軒堂泉亭暨二

十一題并詩文備載統志正統戊午六月住持

善求重勒

右碑下層楷書二十行  
行二十字字徑五分

右碑高二尺八寸廣二尺八寸分兩層

虎跑泉銘

碑額篆書四字  
平列徑二寸二分

虎跑泉在浙之西湖南山大慈定慧禪院距城  
十里而近唐元和十四年性空大師來游茲山  
樂其靈氣鬱盤棲禪其中尋以無水將他之忽  
有神人跪而告曰自師之來我等邀惠者甚大  
奈何棄去南岳童子泉當遣二虎移來師無憂  
也翼日果見二虎跑山出泉甘冽勝常大師因

留止建立伽藍蘇文忠公守杭日爲之賦詩有  
虎移泉眼趁行脚之句蓋紀實也大師諱寰中  
蒲阪盧氏子得法於百丈海一時龍象如南泉  
願臨濟玄趙州諗巖頭靈雪峰存無著喜欽山  
遂咸來咨叩道要則其德服鬼神彰灼靈異有  
不難致者嗚呼拔劍刺山水爲之湧折腰拜井  
泉乃仰流武夫健將一誠之所格尚如此況大  
師心悟無際者乎洪武戊午冬十有一月濂朝  
京師道經山下今主僧定巖戒有道之士也  
要濂觀泉且被法衣率其徒同舉梵咒久之泉

膏沸而出若聯珠然已而微作湧勢濂心異之  
遂爲作銘銘曰天一所形厥質乃凝潛行重淵  
與氣俱升至人來居地不愛寶誰信清冷生於  
虎爪山后川君與道爲謀肯私一勺不師之留  
師既留止化泉爲雨式沛且滂潤於千里幻此  
荒虛遂成寶坊羣生依之爲正法幢命世大才  
猶類龍象來游來杏如山答韻代祀雖邈聲華  
弗虧至今草木尚被餘輝我於世緣逢觸輒礙  
泉特相知獻萬珠琲擾擾征騷風埃渺瀰有素  
者衣化而爲緇願挹寸波如習禪定洗滌根塵

一時清淨

前翰林學士承旨嘉議大夫知制誥兼修國史兼太子贊善大夫金華宋濂撰并篆額  
前僧錄司右善世天界善世禪寺住持天台沙門宗泐書

洪武二十三年夏六月初八日中天竺住持淨戒當代住山首記 同立石 四明胡廷舉勒

右碑崇三尺廣一尺七寸八分書十八行行三十二字字徑六分



蘇東坡遊虎跑泉詩

碑陰

遊虎跑泉

軾

紫李黃瓜村路香  
烏紗白葛道衣涼  
閉門野寺松陰轉  
欹枕風軒客夢長  
因病得閒殊不惡  
心安是藥更無方  
道人不惜階前水  
借與匏樽自在嘗

亭亭石塔東峰上  
此老初來百神仰  
虎移泉眼趁行脚  
龍作浪花供撫掌  
至今遊人盥濯罷  
臥聽空階環佩響  
信知此來如此泉  
莫作人間去來想

行書入行大者徑寸餘七分不等

東坡居士守杭日遊虎跑泉二詩洪武二十三年七月 日住持山釋首記重刻

予主茲山之九年歲甲子得眉山翁游虎跑泉  
眞墨熹溢胸臆如遇希世之珍欲鐫諸石久而  
未果蓋眉山翁餘光遺躅照映山林迄今三百  
載猶一日又焉知無揭華振耀於將來者耶故  
謹勒此詩於泉銘之陰以示後之覽者云洪武  
庚午秋孟吳興沙門靜戒識

楷書九行行十  
二字字徑七分

### 高麗寺碑

尚書省牒

大字草書  
字徑三寸

前住持平江府吳江縣華嚴寶塔教院僧清遠

行書字  
徑一寸

牒奉 勅宜差住持臨安府南山高麗慧因教

寺牒至准

勅故牒

大字草書字徑三寸勅字大至五寸  
奉字廣四寸中一直長至九寸餘

寶慶三年正月

鈐尚書省印方二寸

日牒

參知政事薛押

參知政事宣押

少師右丞相魯國公押

三行字徑三寸前年月  
一行字徑一寸五分

尚書省牒僧清遠

行書字大二寸  
五分上有二印

臨安府狀准尚書省批送下南山高麗慧因教  
寺知事僧慧機狀本寺住持僧如訥已於拾貳  
月貳拾伍日歸寂切緣本寺目今期懺在卽難  
以久缺住持乞付臨安府下帖諸山公定期集  
有道行講人前來住持後批送臨安府公定五  
名申尚書省本府除已遵稟指揮送僧司集諸  
山公定五名申府去後今據僧司申繳上天竺  
靈感觀音教寺住持僧思義等申集諸山禪講  
就上天竺寺白雲堂□集公定期集到僧清遠  
等五名一前住持平江府吳江縣華嚴寶塔教

院僧清遠一見住持紹興府□□縣□教寺僧  
如介一前住持嘉興府華亭縣□□教院僧懷  
□一前住持紹興府如意教院僧宗□一見住  
持嘉興府東塔□福教院僧清果其選僧各有  
道行堪充於內點差前去住持思義等同諸山  
禪講保明是實乞備申施行本府據申述合行  
具申朝廷施行伏候指揮正月二十三日奉聖  
旨依□僧清遠令尚書省出給勅牒已上正書  
十三行字

分  
徑五

右劄付南山高麗慧因教寺

正書字徑一寸  
下年月字月

寶慶叁年正月貳拾叁

三字草日  
書鈐印

少師右丞相魯國公押

用封大字  
印封同前

右碑崇四尺九寸廣二尺三寸分三層

按省牒所列參政薛為薛極宣為宣縉宰輔表  
寶慶元年薛極自簽書樞密院事除參知政事  
寶慶三年正月宣縉自同知樞密院事轉正奉  
大夫參知政事少師右丞相魯國公者史彌遠  
也

又一碑宋軍器監丞周

名所書字文磨滅過半

今不錄

慧雲寺碑

廣壽慧雲禪寺之記

碑額正書四行字徑四寸

紹熙元年春□月辛丑故循王之曾孫宣義郎直秘閣前通判臨安軍府事張鑑請於朝曰願以城東北新宅一區效前賢捨爲佛寺仍割田六十頃有奇贍其徒薰修植福以伸歸美報上之志上曰可賜額廣壽慧雲禪寺張君勳門佳裔自幼刻苦問學年未強仕澹然無意於榮途閒居遠聲色薄滋味終日矻矻攻爲詩文自處不異布衣屨儒人所難能茲又捐所重以創精

藍尤難能者既得請乃一意崇飾以侈上賜徹  
堂爲殿凡佛屋之未備者悉力經營土木堅好  
金碧煥發隱然叢林爲寓都壯觀見者起敬焉  
落成以書禱予爲記予每歎世人苟貴若富必  
思廣其居務極雄麗以貽厥後而夸無窮然厯  
世未幾生息繁衍宏敞化爲湫隘又從而分裂  
之蜂房蟻垤各開戶牖無復前日眈眈氣象矧  
或不競求售他人一再過而爲墟者有之固不  
若釋吝驕齊物我推己所有與衆共之爲長且  
久也異時寢處宴游之地千載儼然子孫登覽



企想風烈必有慷慨激昂思濟其美者世人識  
慮及此已足爲達而張君之志則又過之蓋自  
其先王受國隆恩河潤澤及迄茲涵浸一身渺  
然圖報無所故爲是舉以紓厥忠匪直爲其私  
也若夫鐘魚震動雲水鼎來演上乘而祝帝齡  
錫餘福以佑黎庶茲念一興互千萬禩不能磨  
滅如佛氏所謂願力者張君之忠寧有既耶予  
嘉其志故爲之書太師保甯軍節度使致仕魏  
國公史浩撰中大夫權吏部尚書兼直學士院  
兼實錄院修撰兼侍讀樓鑰書并題額

先大父少卿捨宅一區以築梵宮割田六百畝  
有奇以給僧飯獨力營創不假它緣蓋思忠報  
之不已而植香火於無窮也時丞相留公奏請  
賜額太師越王史公作記攻媿大參樓公書丹  
及先大父所著發願文雄碑對峙叢林逮令傳  
誦紹定厄於劫火寺雖重建而記文皆不存蜀  
人許居士所藏發願文舊刻卽先大父手筆慨  
然捐金礱石併寺記重勒以補山中之闕典請  
跋於余追慕感歎非唯敬承先志以詔後人且  
使緇流知安居暇食之源而聞者亦足以戒云

景定壬戌重陽後一日孫承信郎閣門看班祇  
候張種百拜謹書

右碑崇五尺二寸廣三尺正書十七行行三  
十八字字徑一寸跋語正書四行字徑五分

捨宅誓願疏文

碑額三行  
字徑三寸

大乘菩薩戒弟子承事郎直祕閣新權通判臨  
安軍府事兼管內勸農事張鎡 右鎡一心歸  
命本師釋迦牟尼佛當來下生彌勒尊佛西方  
極樂世界阿彌陀佛十方法界諸佛諸大菩薩  
緣覺聲聞大梵天王帝釋尊天四大天王韋陀

尊天守護正法天龍八部大權聖衆五嶽四瀆  
名山大川祠廟神祇伏□不離真際普賜證明  
鎡恭以欲導羣迷必闡揚於佛道□興遺教宜  
建立於僧坊勝福難思契經具載鎡生佛滅後  
值法住時幸發無上心願學第一義念真乘難  
逢於曠劫思慧命常續於未來助行欲妙於莊  
嚴隨力當施於利益深心所在至願方陳閻浮  
乃衆生選佛之場震旦多大乘得道之器教法  
東漸而獨此爲盛祖師西來而其傳不窮由是  
衆多之伽藍徧我清淨之國土或據名山勝地

或居赤縣神州皆古德之所興實檀那之自創  
伏遇皇上體佛心而治天下崇祖道而護宗門  
惟錢塘駐蹕之方乃寰宇觀光之地昔相國曾  
聞□之建今□在所未見

已下原鈔  
缺一葉

武林金石記卷九終

武林金石記第十卷

錢塘 丁 敬 敬身

己上原鈔  
缺十一葉

陳旅所撰書其論妄不始於晚而基  
於未晚詞旨甚精而字亦可取是時子昂名方  
噪而能不佞傍又可謂中有主獨立之士矣涼  
國篆未見而記末篆書年月甚雅或其一斑乎  
緇黃二氏淡於勢利而名根尚數數然卒之勢  
利灰滅而清事反被伊卷而收去往往能言能  
書之士轉借之以存名於世悲夫天啟甲子八  
月朔書

祠廟碑

昭貺廟碑

昭貺神廟記

鄉貢進士戰惟肅撰 金華吳肅書 吳興

趙奕篆

海爲百谷之王其支流而別出者曰江江之大  
而有名者曰浙浙江神最靈而異者曰昭貺廟  
廟之神曰司封按司封姓張名夏字伯起雍邱  
人也宋太宗朝舉進士第眞宗朝官至兩浙轉  
運使五代時吳越王鏐築捍海石塘以廣杭州

城由是富庶爲東南冠歲久崩圯郡民弗安司  
封患之於是躬禱於神神畀之休迺增築海塘  
層之高者十有二子塘之高者倍是塘之袤丈  
四千六百四十有奇朝以有功於民授司封郎  
中卒於官遂曰張司封云天聖間潮水泛溢石  
塘幾壞轉運使田公知府楊公率僚吏耆老等  
祠公於隄上水患既平朝命贈太常少卿封甯  
江侯時慶厯年也大觀改元高句麗入貢□神  
異封安濟公勅□昭旣高宗南渡信安郡王孟  
忠厚奏以靈駕護渡顯應加封靈感安濟順應



公進封靈濟□□□烈昭順王理宗淳祐更昭  
順爲孚惠尋改孚惠爲廣利度宗易廣利爲安  
順遂定王號迨今尊稱初吳越築海塘□□以  
一國垂不朽之功故其成之也若易公繼其績  
能以一心興百世之利故就之也似難蓋公之  
精誠通於□故公之恩澤加於時生而爲人沒  
而爲神美爵徽號超今冠古不亦宜乎廟有石  
□既毀錢塘縣尹仇有道缺十字刊石以誌竊維  
禮典有法施於民者則祀之能禦大菑捍大患  
者則祀之今公之功政所謂能捍禦菑患者廟

食千古誰曰不然余辭不獲既序其事復作樂  
神詩俾邦人歌之祀公其詞曰江之水兮安流  
爲民所倚兮□□□□兮羅列庶羞靈鑿格  
兮神其我留江之水兮安止民渡中流兮擊楫  
以駛□□□□兮天地終始□□不□兮神人  
樂只馳素車兮□之來駕蒼□兮神之偕神毋  
遠遊兮降福孔皆綿百禩兮□□□  
至正二十五年七月吉日杭州路錢塘縣尹仇  
有道立石

右碑高五尺廣二尺五寸楷書十七行每行

四十四字字徑一寸末有跋二行小楷磨滅  
不可識

宋太學靈通廟尚書省牒碑

景定勅封廟額

碑額篆書三行  
字徑二寸五分

尚書省牒

四字行書  
徑三寸

太常寺狀准送下禮部狀朝奉大夫國子司業  
兼玉牒所檢討官何夢熊等狀奏照對臣近據  
太學學錄學生臣楊懋卿等列申其畧曰懋卿  
等嘗讀蘇文忠公所撰昌黎伯韓文公廟碑有  
曰其生也有自來其死也有所爲且謂不待生

而存不隨死而亡故在天爲星辰在地爲河嶽  
幽則爲鬼神明則復爲人於是益信夫一點忠  
義英靈之氣景景千古不可磨滅也懋卿等伏  
見太學土地靈通廟神正顯昭德文忠英濟侯  
正直聰明應感如響其賜額之勅則有倉卒息  
閔潛弭火警之褒其初命之告則有用物弘多  
厥靈炳著之譽其再命之詞則有視學禮成吉  
協夢卜之驗然是特言其死有所爲而未言其  
生有自來也逮夫三命溫綸則顯述中興名將  
英靈未泯肝響甚著蓋其故居且謂忠臣衛社

稷生死以之則指神爲忠武岳王明矣況國史  
載紹興三十二年以岳飛宅爲太學正合前所  
謂故居之說不可誣也侯封八字其號已極改  
畀王爵於禮爲宜兼寶祐五年明堂赦文應神  
祠曾經禱祈靈應有功於民合該封爵去處令  
所屬保明聞奏放行況忠武昔已正王爵今豈  
容更下一等乎國家祀典之神父母妻子子婦  
佐神皆有封號今本廟神父和贈太師隋國公  
母姚氏贈周國夫人妻李氏贈秦國夫人子五  
人雲贈安遠軍承宣使雷贈武略郎霖贈大中

大夫震贈朝奉大夫寔贈修武郎子婦五人

氏

列五氏字俱不著姓

部將六人張憲徐慶董先牛臯李

實王貴皆未該封實爲闕典比來祈禱禴禳靈  
驗愈著非特相多士昌斯文抑且安甯京邑其  
有功於 國家豈淺鮮哉懋卿等濫叨庶員義  
不容默庸敢合辭申請欲望保明敷奏改賜廟  
額特與超封王爵及封神父母妻及五子及五  
婦及佐神六人非惟忠烈之神陰拜褒嘉之寵  
而諸生拜賜惟均臣等竊惟褒功者崇報之常  
典表忠者激勸之大端其有生爲忠臣沒爲明

神而廟食於風化之地者尤國家之所宜尊顯者也臣等伏見太學土地靈通廟神正顯昭德文忠英濟侯乃中興社稷之臣忠武岳王飛也恭觀國史紹興三十二年以岳飛宅爲太學及拜觀瀆祐六年加封之誥有曰中興名將英靈未泯則神之爲忠武王飛明矣天下土地之祠不知其幾而太學土地則忠武王飛爲之非偶然者惟忠武王飛明君臣之義辨華夏之分誓滅醜虜恢復中原校之中興諸將但有戰功而不知復讎之義遠矣雖賊槍欺天王以忠死而

志在君父力扶名義之功與宋無極每讀孝宗  
皇帝褒揚之詔爲之流涕今太學諸生率循禮  
義斯文日昌固出聖明作人之造而陰相默佑  
神與有功至若禱祈感應靈迹顯著不可殫述  
夫功大者報隆生屈者死伸其於褒典合異常  
祠况忠武王飛已正王爵家廟悉正王禮若於  
太學廟祀下稱公侯似爲未便兼虜未投首正  
激昂忠義之秋前廊學生楊懋卿等積其陳請  
所合敷奏欲乞聖慈念飛生死有功於國改賜  
廟額特與超封王爵神父和母姚氏妻李氏子



雲雷霖震霆等子婦

氏

不著姓  
同前

部將張憲徐

慶董先牛皋李寶王貴等亦乞普賜封號以章  
忠顯孝之懿人神理一其於激勸實非小補臣  
等不勝昧死皇懼俟命之至取進止謹錄奏聞  
伏候勅旨禮部狀本部所准御封降下國子監  
奏上件事理尋呈奉判送寺勘當申本部尋連  
送太常寺勘當申部去後今准太常寺申准連  
送在前檢準慶元令諸道釋神祠祈禱靈應功  
續顯著惠利及  
人載於祀典者宜加官爵封號廟額者州具事  
狀保明申轉運司本司委鄰州官躬親詢究再

委別州不干礙官覆實訖具事實保奏并檢準  
淳熙十四年六月十九日已降指揮今後神祠  
祈禱應驗令諸路運司依條保奏取旨加封今  
准部送下準御封降下國子監奏乞加封太學  
土地靈通廟神超封王爵等事送寺勘當申本  
寺照得國子監奏內稱太學土地正顯昭德文  
忠英濟侯迺是岳忠武王今來陳乞改賜土地  
廟額超封王爵切詳奏內所申說並爲岳忠武  
王一門父母妻子將佐等陳乞加封號呈奉書  
判照得今之太學乃岳鄂王故宅生之所居沒

而魂魄猶應在焉祀爲土地之神誰曰不宜忠  
武岳鄂王大節孤忠爲中興冠冕方今正宜崇  
異近緣鄂州土神亦係岳鄂王已奉已上第指

揮超封昭烈二字王今來國子監奏欲以本學  
土地改賜廟額超封王爵及父母妻子子婦將  
佐等賜以爵號欲依鄂州土地一體施行本寺  
未敢專擅合取朝廷指揮今欲勘當伏乞省部  
備申朝廷取自指揮施行申部奉書判備申本  
部所據太常寺勘當申到事理備錄在前上件  
事理伏乞朝廷指揮施行伏候指揮又太常寺

狀檢準建炎三年正月六日已降指揮節文神祠遇有靈應卽先賜額次封侯次封公次封王婦人之神初封夫人次封妃每加二字至八字止并淳熙十四年六月十九日已降指揮今後神祠祈禱應驗令本路運司依條保奏取旨加封今准鈞判送下禮部申國子監奏乞爲太學土地靈通廟神改賜廟額超封王爵事送寺擬申本寺照得太學土地見係靈通廟正顯昭德文忠英濟侯今國子監奏稱今太學土地爲岳鄂王之故宅乞超封王爵於陳乞間忽遇鄂州

諸神顯績並加封號內一項土神岳鄂王已擬封昭烈王具申朝廷遂奉寺官書判欲照鄂州土神一體稱呼今準鈞判送寺擬封申呈奉寺官書判太學岳鄂王之故宅也因祀爲土神朝廷嘗累封至八字侯近因武昌之捷陰有相焉封爲昭烈王太學遂亦有超封王爵之請同一鄂王豈宜兩諡但昭烈二字施之武昌之廟則可施之孔堂之側之廟則不可神生爲忠臣豐功偉烈焜耀今古今血食上庠英靈默佑於斯文有關焉諡以忠文疇曰不宜况文忠二字昔

以之封侯恐與先聖相似故先忠後文示有別也其神父母妻子婦并部將前此未有封諡今準指揮檢照條法各合封二字侯夫人并擬於后乞從建炎三年正月望日已降指揮并高熙十四年六月十九日已降指揮各合擬封下項

一土地見係靈通廟爲額乞改賜廟額今欲擬忠顯廟爲額合行降勅 一太學土地正顯昭德文忠英濟侯乞超封王爵合擬封二字王今欲擬忠文王 一神父和合擬封二字侯今欲擬顯慶侯 一神母姚氏合擬封二字夫人

今欲擬□□夫人 一神妻李氏合擬封二字

夫人今欲擬德正夫人 一神長子合擬封二

字侯今欲擬封繼忠侯 一神次子合擬封二

字侯今欲擬封紹忠侯 一神三子合擬封二

字侯今欲擬封續忠侯 一神四子合擬封二

字侯今欲擬封緝忠侯 一神五子合擬封二

字侯今欲擬封續忠侯 一神長子婦合擬封

二字夫人今欲擬相德夫人 一神次子婦合

擬封二字夫人今欲擬介德夫人 一神三子

婦合擬封二字夫人今欲擬助德夫人 一神

四子婦合擬封二字夫人今欲擬翊德夫人

一神五子婦合擬封二字夫人今欲擬贊德夫

人 一佐神張憲合擬封二字侯今欲擬烈文

侯 一佐神徐慶合擬封二字侯今欲擬昌文

侯 一佐神董先合擬封二字侯今欲擬煥文

侯 一佐神牛皋合擬封二字侯今欲擬顯文

侯 一佐神李寶合擬封二字侯今欲擬崇文

侯 一佐神王貴合擬封二字侯今欲擬尚文

侯已上各合命詞給告伏乞朝廷取旨加封施

行伏候指揮

已上第二層第一層楷書五十一行第二層四十一行二十八字



牒奉勅宜賜忠顯廟爲額牒至準勅故牒

行書

字徑四寸奉字長至八寸餘

景定元年八月

尚書省印

日牒

已上九字徑寸餘

簽書樞密院事兼權叅知政事皮

押

已下三行字徑

二寸五分

知樞密院事兼叅知政事朱 押

少師右丞相衛國公 押

右碑高五尺三寸廣二尺七寸分作三層又有忠顯廟勅告碑勅牒告符分作六層因上層斷缺不錄

案宋史宰輔表景定元年四月賈似道特授少師依前右丞相兼樞密使進封衛國公皮龍逢自簽書樞密院事兼權叅知政事朱熠自兼權知樞密院事除知樞密院事兼叅知政事此本碑所列尚書省宰執銜也

勅賜靈通廟額尚書省牒碑

此因太學諸生林居雅等陳請而賜

類勅封者省  
原甚繁不錄

武林金石記卷十終

附碑刻目

蘇軾六一泉銘

文見山水

王槩錢塘先賢堂記

文見祠宇

樓鑰顯應觀碑

文見寺觀

何澹靈芝崇福寺記

文見寺觀

鄭清之靈芝崇福寺賜田記

文見寺觀

西關淨化院碑

在水樂洞篆額文見寺觀

表忠觀碑

文見祠宇

秦觀西林法惠院雪齋記

文見寺觀

秦觀游龍井題名

文見山水

蔡襄雙門記 文見古跡

蔡襄清暑堂記 文見古跡

白居易錢塘湖石記 文見水利

宋高宗損齋記 文見古跡

孫何昭慶寺白蓮社記 文見寺觀

蘇軾六井記 文見水利

趙師白廣惠廟記 在錢塘門外文見祠宇

陳堯佐涵碧橋記 文見橋梁

夏言滿江紅詞 行書在岳廟

錢鏐嘉澤龍王廟碑 在寶石山文見祠宇

羅處士景德靈隱寺記 文見寺觀

白居易冷泉亭記 文見古跡

陸羽夫天竺靈隱二寺記 文見寺觀

天竺靈山寺記 口宿強至二年文見寺觀 按此注疑有誤

程公許開寶仁王寺記 文見寺觀

樓鑰真觀堂記 文見寺觀

伍公廟四碑 盧元輔 王安石 王安石 趙與權 文見寺觀

三茅靈壽觀記 文見寺觀

白居易虛白堂詩 在鳳皇山 文見古跡

范仲淹清暑堂記 文見古跡

右文三十三通檢新舊西湖志及諸公集勘

校鈔補

終

武林金石錄一冊共一百四十張老友吳槎客得之梧桐鄉從海昌買棹而來假予披閱此汪澄齋家藏本也往歲予自粵東同澄齋度梅嶺方舟歸浙澄齋語予曰余大兒性耽金石曾借龍泓先生所著武林金石錄鈔得副本今兒亡矣予到家當檢以歸予及還家而藏本已失不意爲老友購得仍假予卒讀焉凡文字流傳若鬼神呵護不洵然哉此冊蠅頭細字老眼不能寫大女手鈔也鈔成勘校而以原本歸於槎客此中宋高宗御書經文經兵燹闕失者諸寺經幢因文繁未錄者又東城



慈雲寺碑有趙古則所勒東坡詠慈雲入詩蘇集  
失載者今碑已碎裂尤當鈔彙冊中竹垞南屏題  
名有司馬溫公家人卦中庸樂記等攷而不及琴  
臺二字至家大人爲訪武林金石披榛得之物之  
顯晦亦若有數存乎其間矣乾隆癸丑正月穀日  
錢塘丁傳跋時年七十有三

竹垞南屏題名云咸淳志南屏山在興教寺後上  
有石壁若屏障然此山之所由名也自開寶五年  
吳越王建寺曰善慶太平興國更額興教寺有齊  
雲亭清曠樓琴臺楊廷秀詩所云清曠樓中夕眺

間是已又有魚池故東坡居士訪南屏臻師詩我  
識南屏金鯽魚重來撫檻散齋餘今壑菴前池尚  
存疑舊種金魚舊蹟迨宋季亭樓俱□而南屏晚  
鐘猶列西湖十景之目以下論石壁刊字而不及  
琴臺二字之勤於石所引咸淳志之琴臺與齊雲  
亭清曠樓連類及之明是爾雅所謂無室曰榭四  
方而高曰臺之臺非謂今所留存之片石刻有琴  
臺二字之物也竹垞如見及此字必載入題名豈  
有自首竟尾而不一及乎大人於琴臺曾語予曰  
此二字從前未有知者予披榛莽剔苔蘚摩挲而

得之予故於跋中言其顯晦有時也後之閱此跋者當檢咸淳臨安志竹垞曝書亭集與予之跋分別觀之乾隆六十年乙卯閏二月三日魯齋識

竹垞之孫稻孫遊壑菴詩云憶昔吾祖來題詩事如昨惜乎米公書苔封罕剝落邂逅不及觀龍蛇空拏攫晶瑩光四射我眼已刮膜響拓縱未能免向暗中摸詩見杭堇浦丈詞科掌錄近日刊布此詩當是與大人倡和食邵王墳新蠶豆時作也足證竹垞翁未見琴臺二字石刻矣康熙五十七年歲戊戌魏頤錢塘縣志云米芾琴臺二字在南屏

山幽居洞上今不可考此志承舊志而言之者足證前人未有知者之說矣嘉慶元年正月上元日魯齋又識

此二葉原本以零楮寫夾倪記中附錄於此乃武林金石錄跋稿與倪書不相屬也辛巳五月十三日錫曾記

武林金石記跋

三

西泠印社聚珍版  
山陰吳氏選金  
石錄書

此書山友倪先生著希曾丁先生得殘本錄副今  
存丁氏當歸草堂此本丙寅旋里時所鈔入閩迺  
大蠹損近凌君子與書來索觀將寄邗江始手爲  
裝治距始鈔時十有六年矣辛巳五月十二日三  
更鶴廬識

冊尾附武林金石錄跋并擬補碑目乃希曾先生  
得父書後屬稿原夾倪記中本不相聯屬者倪所  
著爲武林金石記丁所著爲武林金石錄署名不  
同往歲余以書目寄子與誤切此記爲丁撰蓋胸  
中有此跋稿記憶不真遂率爾涉筆也丁錄傳本

武林金石記跋

絕少惟二十餘歲時偕張孚吉黃成甫同訪姚再  
洲若得見鈔本并卽假歸□擷首卷亦備紀

御碑其體例行式正與此書相類惜其時未曾錄  
副今遂不可得矣錫曾又識

右錢唐丁敬身先生武林金石記如干卷吳君瀟  
泉依傳鈔本付印前有先生詰嗣魯齋傳及趙誠  
夫一清兩序後有魯齋跋及識語二則魏稼孫錫  
曾識語一則據趙序雍正庚戌辛亥閒修浙江志  
制府李敏達命兼修西湖志以舊志具有碑碣而  
咸宿臨安志亾失此卷成化杭州志有目無文欲  
補輯皆無底稿于是盡發丁氏祕藏重加詮訂迨  
書成而丁氏弗獲列名魯齋序云鮑文濂飲買此  
記於荒貨店中間店主買得於倪姓其書有引樊  
榭丈詩與家大人姓氏似著者爲倪山友先生也

向在郁陞宣家鈔得先生六執之一錄凡例兩條  
一記先生著有武林金石記云鈔撮西湖志所載  
而成一記趙誠夫爲家大人序武林金石錄一篇  
云乃知此書果摘於西湖志而湖志又元本於家  
大人之武林金石錄也今據兩序攷定之丁氏所  
署名武林金石錄其姓名湮沒於雍正湖志之成  
而表章於倪氏凡例之作倪氏所署名武林金石  
記其書元本於湖志而實元本於丁錄錄與記名  
異而實同也錄無傳本此傳鈔本以記名者不著  
誤人姓名屬之丁氏從倪氏表章之志也仍以記



名存傳鈔本之舊也元鈔塵存四五七八九十卷  
其卷九塵十四葉前後皆缺卷十塵十葉前後亦  
缺目錄塵存三葉無從覈定卷數葉數瀟泉付印  
悉依元鈔未嘗增減一字唯就見存者編次目錄  
取便幡帑而已金石文字關係鄉邦掌固綦重後  
有耆古之士從事補輯俾成全書以丁倪兩先生  
之志爲志則瀟泉所厚靳也夫龍集柔兆執徐且  
月中伏日臨桂况周頤夔笙跋於扈上賃廬之餐  
櫻廡

丙辰夏五排印丁龍泓先生武林金石記成是書

源委及其由隱而見先後事蹟具詳臨桂蕙風太守所撰跋語中不復贅嘗攷吾越記載金石之書以揚州阮氏兩浙金石志爲褻然鉅帙是編所錄有阮志失載者有阮志缺字可據此增補阮志舛譌可據此訂正者惜缺佚之卷無從訪求後人從事補輯求其完善精審亦無或過元書範圍詩有之先民有作貽我高矩修學好古之士所當家置一編奉爲圭臬者矣元鈔書眉有先生喆嗣魯齋先生識語如干條茲錄附各刻後作夾行小注一二管蠡之見亦僭綴焉自餘悉依元鈔不敢增損

一字雖跋語不完具者亦仍其舊慎之至也山陰  
後學吳隱瀟泉識中伏後一日

武林金石記跋終

武林金石記跋終